

【第二輯】

陳明光 侯真平 主編



廈門大學出版社
國家一級出版社 全國百佳圖書出版單位

廈門大學圖書館藏稀見史料（二）

中國稀見史料



五五六十十年前陶集僅有何氏一註
梓也年來刻本甚多余獨寶此者手澤
孫其重之哉萬曆壬子夏勛書

【第二輯】

陳明光 侯真平 主編

中國稀見史料

廈門大學圖書館藏稀見史料【二】

節集

先生詩平典出應璩風力出左太冲物品古
第一嘗學孔明隱固如是也晉宋易命道不



廈門大學出版社
國家二級出版社 全國百佳圖書出版單位



奏請之例相符茲據藩司楊培具詳前來理合恭摺具
奏並繕該生等姓名年歲清單敬呈

御覽伏乞

皇上聖鑒敕部覈覆施行再劉欽一名前應咸豐元年辛

亥

恩科鄉試年屆八十以上奏蒙

恩賞副榜現年九十一歲又傅錫金一名前應咸豐二年

壬子科鄉試年屆八十以上奏蒙

恩賞副榜現年九十歲又李晉一名前應咸豐二年壬子

科鄉試年屆八十以上奏蒙

恩賞副榜現年九十歲合併陳明謹

奏奉

硃批禮部覈議具奏單併發

甄別守備

奏為甄別年老技庸並與邊缺不宜之守備請

旨分別休致降補以肅營伍恭摺奏祈

聖鑒事竊查現當逆氛未靖選將練兵為目前第一要務

本年係大閱之期

臣奉

命較閱四川全省官兵一時未能即行出省凡有差事來

省之武弁逐一考驗並屢經分飭省外各鎮將隨時

察覈據實具稟以憑調驗茲考驗得巴州營守備陳

世容年四十歲因署馬邊協右營守備辦理邊務不

爭少

合機宜調省察看試以弓馬亦復生疏重慶左營守
備馬耀文年六十一歲步箭全空建昌中營守備潘
廷柱年甫五十六歲而三步箭兩不到靶實屬精力
已衰該員等均係四川松潘廳人由行伍歷升今職
茲據該管鎮將揭送前來臣覆加考驗於守備員缺
均難得力未便稍涉遷就相應據實叅奏請

旨將重慶左營守備馬耀文建昌中營守備潘廷柱均勒
令休致以肅營伍其署馬邊協守備之巴州營守備
陳世容姑念其年力強壯降補把總以觀後效庶營

務可期起色是否有當謹會同成都將軍臣樂斌提
督臣萬福合詞恭摺具

奏伏乞

皇上聖鑒訓示如蒙

俞允馬耀文現剛接到部咨推升江西都司應請

敕部一併開缺照例辦理合併聲明謹

奏奉

硃批馬耀文等分別勒休降補餘照所議辦理該部知道

請仍以候補翁守補授首府

奏為省會知府要缺實在乏員揀調再行專摺保

奏籲懇

恩施逾格仍以候補知府補授俾資治理仰祈

聖鑒事竊照前准吏部咨奉

上諭四川成都府知府員缺緊要著該督於通省知府內

揀員調補所遺員缺著文良補授欽此當經

奏明以候補知府翁祖烈請補旋准部覆成都府知府
員缺係奉

青女
旨之缺不得以候補人員請補所請候補知府翁祖烈補授成都府知府應毋庸議等因奏奉

諭旨依議欽此咨行來川自應遵照於現任知府內揀員調補查川省知府省外十一缺除新任順慶府知府楊重雅尚未到川敘州府知府王鈞保甯府知府鮑繼培龍安府知府周有簠各因案先後

奏參撤任此外各知府非現居邊要防堵喫緊即人地未宜情形不熟一時揀調實在乏員伏思成都府管轄十六州縣為通省領袖時有發審案件政務本極

殷繁况值軍務未平團練捐輸諸事通省之風氣視
省會為轉移非才守兼優之員不足以資表率該員
翁祖烈年五十一歲福建進士改庶吉士散館後籤
掣雲南永善縣知縣道光二十五年

題陞安平同知因防堵回匪並拏要犯奉

旨

賞加知府銜先換頂戴迴避雲貴總督林則徐改制四川
二十八年六月到省咸豐元年甯遠府地震捐輸辦
賑出力部議候補同知翁祖烈俟題補本缺後以知
府補用等因具奏奉

旨依議欽此二年捐貲助餉奏蒙

賞戴藍翎

題補越雋廳同知歷署綏定保甯甯遠重慶各府知府

瀘州直隸州知州所到俱有循聲本年二月經前署

督臣樂斌

奏署成都府知府臣到任時該員已署事兩月察看該

員守潔才優實心任事臣前因川省積壓詞訟民多

拖累擇其情節重大緊要者飭司行提來省發交該

員審辦數月以來審結二百餘起之多擬斷公允民

心悅服即臣前

奏禁革川省押保店以除民害亦係該員首先革除省
中紳局練勇該員協同紳衿勸捐接濟其查緝鹽梟
嚴拏匪徒辦理尤為認真臣現籌辦鹽務擴充經費
事宜亦由鹽道會同該府督飭委員商辦各處情形
熟悉籌議俱合機宜洵為知府中不可多得之員是
以將該員請補成都府知府第係奉
旨於現任知府內揀調今以候補人員請補與例稍有未
符惟查浙江杭州府知府亦係奉

旨於現任知府揀調之缺昨經浙江撫臣何桂清以候補知府王有齡請補蒙

恩允准有案王有齡係定海廳同知因署湖州府知府任內督催漕糧出力保奏蒙

恩以知府補用之員與翁祖烈由同知保奏以知府補用事同一律今與藩臬兩司再四籌商為地方擇人起見有不得不再行籲請者據該司等會詳請奏前來合無仰懇

天恩俯念員缺緊要

逾格鴻施俯准仍以候補知府越舊廳同知翁祖烈補授
成都府知府俾要缺得人臣亦藉收指臂之助如蒙
俞允該員係奉

旨以知府補用人員今請補知府銜缺相當毋庸送部引
見其

簡放成都府遺缺知府文良俟遇有知府缺出即行請補
所遺越舊廳同知員缺俟該員翁祖烈奉

旨准補後照例辦理是否有當謹瀝情繕摺再行保
奏伏乞

皇上聖鑒訓示再該員循例參罰各案前已開送合併陳

明謹

奏奉

硃批吏部議奏

委署各缺

再前因建昌道鄂惠調署川東道即委綏定府知府
顧開第前往署理建昌道曾經臣繕摺具

奏在案現在鄂惠辦理所屬越嵩夷務事件正當喫緊
未能交卸起程已令顧開第仍回綏定府本任毋庸
前往建昌其川東道篆務查有重慶府知府李莊樸
誠穩練堪以委令就近兼護又成都府屬崇慶州地
廣政繁素稱難知該州知州趙錦措施未能裕如查
有南川縣知縣王臣福官聲尚好堪以調署又汶川

縣知縣黃傑前

奏署定遠縣知縣所遺汶川縣缺事務較簡即以崇慶
州知州趙錦暫為署理再行察看又合州知州榮慶
因審理案件未能得情來省聽候臣督同兩司研訊員
缺未便久懸即以差竣回省之西充縣知縣陳瑛接
署又署冕甯縣知縣陳禾生訪聞有疾調省察看所
遺之缺以鄰水縣知縣李鈺調署又署射洪縣知縣
試用通判李寶璵中江縣知縣王鳳翥各因案撤任
所遺射洪縣缺以崇甯縣知縣何鼎勳調署所遺中